

影印
文淵閣

四庫全書

影印

文淵閣四庫全書

第三三四冊

北京出版集團公司
北京出版社

本冊目次

大事記續編(二)

明 王 禕撰……………一

元史續編

明 胡粹中撰……………四四九

欽定四庫全書

史部
大事記續編卷四十七

詳校官檢討臣朱依昊

編修臣裴謙覆勘

總校官編修臣倉聖脈

校對官助教臣胡子襄

謄錄貢生臣苗存洙

欽定四庫全書

大事記續編卷四十七

明 王禕 撰

隋高祖文皇帝開皇九年春正月乙丑朔賀若弼濟自廣陵韓擒虎濟自橫江申申若弼敗陳師於蔣山攻宮城擒虎執陳主叔寶丙戌晉王廣至建康施文慶沈客卿等皆伏誅癸巳遣巡撫陳州郡周羅暉等亦降陳亡

以陳隋本紀舉要歷補遺王通元經修

解題曰陳自武帝霸先至後主叔寶五世凡三十三

欽定四庫全書

大事記續編卷四十七

年王凝問於王通曰元經書陳亡而具五國何也曰江東中國之舊也衣冠禮樂之所就也永嘉之後江東貴焉而卒不貴無人也齊梁陳於是乎不與其為國也及其亡也君子猶懷之故書曰晉宋齊梁陳亡具五以歸其國且言其國亡也嗚呼棄先王之禮樂以至是乎凝曰晉宋亡國久矣今具之何謂也曰晉衣冠文物之舊君子不欲其先亡宋嘗有樹晉之功有復中國之志亦不欲其先亡也故具齊梁以歸其

國也其未亡則君子奪其國焉曰中國之禮樂安在其已亡則君子予其國焉曰猶我中國之遺人也觀通之抑揚感慨其志亦可悲也已

二月丙申置鄉正里長以本紀修陳湘州刺史岳陽王叔慎

起兵敗死以呂祖謙標目修遣柱國章洸安撫嶺外降之以隋紀修

解題曰安撫之名始於此

平建康城於石頭城置蔣州以呂祖謙標目修夏四月己亥帝

幸驪山勞還師乙巳獻俘太廟賞賜將士故陳境內給

欽定四庫全書大事記續編卷四十七

復十年餘州免租賦一年己未流孔範王瑳等於邊以

江總為上開府儀同三司陳都督魯廣達死之以通鑑修

解題曰胡寅曰孔範等亡陳之臣也帝既知之當戮

之江南以謝三吳之人既貸其死又置諸邊刑寬而

義不類矣江總身為宰相惟以詩酒陪從邪慝蓋孔

寧儀父之徒楚子不殺仲尼所非者也乃寵以爵祿

是訓臣子敗人家國而無後憂也豈不惜哉事見通

鑑

秦王俊為楊州總管四十四州軍事以通鑑修壬戌詔寢兵

以呂祖謙標目修六月吏部蘇威為右僕射閏月以荊州總管

楊素為納言以本紀修秋七月羣臣請封禪弗許以本紀修冬十

二月詔太常牛弘參定雅樂以本紀修

隋高祖文皇帝開皇十年春二月庚申帝幸并州夏四

月至自并州以本紀修出李德林為湖州刺史以呂祖謙標目修五

月乙未詔軍人悉屬州縣以本紀呂祖謙標目修

解題曰按本紀詔曰魏末喪亂寓縣瓜分役車歲動

欽定四庫全書大事記續編卷四十七

未遑休息兵士軍人權置坊府南征北伐居處無定

家無完堵地罕苞桑恒為流寓之人竟無鄉里之號

朕甚愍之凡是軍人可悉屬州縣墾田籍帳一與民

同軍府統領宜依舊式罷山東河南及北方緣邊之

地新置軍府葉適曰按李繁家傳載蘇綽初置府兵

與此利害優苦殊不同然詔文乃當時實事蓋綽雖

創始而地狹民寡加以長征不歸故未能盡行其說

至平陳後乃修完成法爾

六月辛酉制民年五十免役收庸以本紀修秋七月癸卯楊

素為內史今以本紀修冬十一月辛卯帝幸國學以本紀修有事

於南郊紀本江南盜起遣楊素討平之以本紀及呂祖謙標目修并州

總管晉王廣為揚州總管秦王俊為并州總管以通鑑修番

禺夷反給事郎裴矩討平之高涼洗氏置幕府以通鑑及呂祖

謙標目修

隋高祖文皇帝開皇十一年春二月丙子以臨潁令劉

曠為莒州刺史以本紀修辛巳晦日有食之以本紀修秋八月壬

欽定四庫全書

大事記續編
卷四十七

申殺弟滕王瓚以通鑑修

解題曰按列傳瓚見高祖執政羣情未一恐為家禍

陰有圖高祖之計餘見大建十二年周天元帝殂解

題

上柱國沛達公鄭譯卒以本紀修

隋高祖文皇帝開皇十二年秋七月乙巳蘇威免官爵

禮部尚書盧愷除名以本紀及呂祖謙標目修有事於太廟以本紀修壬申

晦日有食之以本紀修八月甲戌制死罪今大理覆治以本紀通

以本紀修冬十二月乙酉楊素為右僕射與高頴專掌朝政以本紀修

免右領軍大將軍賀若弼官以本紀修府藏皆

滿免河東北功調減田租一年以通鑑修

解題曰李燾曰古今之富者莫如隋而所以卒為隋

禍者亦惟其富爾夫帝王之所謂富而教之者豈曰

盈其倉廩則羣黎百姓徧為爾德也哉惟在布大利於

天下而吾無所私焉使斯民安居樂業養生喪死而

無憾相與從事於孝弟忠信之際則吾之禮樂刑政

欽定四庫全書

大事記續編
卷四十七

可以四達而不悖矣高祖躬履儉約而戶口日滋此

固致富之道始高祖疾山東之巧偽重謫其正長而

開相糾之科以出齊民隱戶於是丁口益增而高頴

復為輸籍法使豪強不能以容其奸此隋之所以富

也君臣方自以為得計而不知其惡殆與賊虐者無

異高祖在位雖省徭寬賦然取之者固已深而推以

予之者蓋未數數然也不然何天之於隋遽泯然棄

而不知耶

遣使均田以朱熹綱目修

隋高祖文皇帝開皇十三年春正月壬戌帝幸岐州二

月作仁壽宮三月至自岐州以本紀及呂祖謙標目修禁藏讖緯以本

紀修

解題曰按列傳著作郎王邵表言符命又引民間歌

謠引圖書讖緯依約符命摭摭佛經撰皇靈感書三

十卷奏之上今宣示天下劭集諸州朝集使焚香而

讀之上益喜賞賜優洽其所今反其所好而民不從

欽定四庫全書

大事記續編卷四十七

六

其是之謂矣事見通鑑

秋七月戊辰晦日有食之以本紀修

隋高祖文皇帝開皇十四年夏四月乙丑行新樂以本

修六月丁卯給公卿以下職田以本紀及呂祖謙標目修秋七月

乙未以蘇威為納言以呂祖謙標目修關中大旱帝幸洛陽

以本紀修

解題曰李燾曰古者三年耕而後有一年之儲九年

耕而後有三年之儲以三十年之通制國用則雖有

凶旱水溢民無菜色今隋之為隋僅十餘年而粟帛

之入至於倉廩府庫已無所容然而一有天災則關

中之民至於屑豆雜糠而食流離遷徙救死不暇然

則隋之所謂富者獨其倉廩府庫而餘食遺貨之在

天下者殆無幾爾為富不仁諒其然矣事見通鑑

冬閏十月甲寅詔給北齊梁陳祭祀器物以本紀修齊州刺

史盧賁除名以本給通鑑修羣臣請封禪十二月乙未帝東狩

以本紀通鑑修

欽定四庫全書

大事記續編卷四十七

七

隋高祖文皇帝開皇十五年春正月壬戌帝幸齊州庚

午以歲旱謝咎泰山以本紀及稽古錄修二月丙辰收天下兵器

修三月乙未至自東方以本紀修丁亥帝幸仁壽宮以本紀修

解題曰通鑑考異隋書北史皆曰宮成上今高顯前

視奏稱頗傷綺麗大損人丁帝不悅楊素懼即於北

門啓獨孤后曰帝王法有離宮別館今天下太平造

一宮何足損費后以此理論上上乃解今從唐書然

唐書所載不如隋史北史為得其實事見通鑑

夏六月庚寅焚相州所貢綾文布於朝堂以朱熹秋七

月戊寅至自仁壽宮以本紀修冬十月戊子以吏部尚書韋

世康為荊州總管與并楊益州為四總管以通鑑及呂祖謙標目修

十一月辛酉帝幸溫湯乙丑還宮以本紀修十二月戊子勅

盜邊糧一升皆斬以本紀修己丑詔文武官四考受代以本紀修

汴州刺史令狐熙考績為天下最賜帛旌之以通鑑修

隋高祖文皇帝開皇十六年夏六月甲午制工商不得

仕進以通鑑修秋八月丙戌詔死罪三覆奏以通鑑修

欽定四庫全書大事記續編卷四十七

解題曰刑者例也成也一成而不可變故君子盡心

焉文帝初有隋國遂定新律盡除魏周苛刻以從寬

簡初今死罪大理覆治又今死罪三奏然後行刑誠

得古帝王好生惡殺之意矣然盜邊糧一升以上者

皆斬一錢以上者棄市則雖三奏而後行亦何補哉

冬十月帝幸長春宮十一月還以公主妻吐谷渾可汗

以通鑑修

隋高祖文皇帝開皇十七年春二月癸未遣太平公史

萬歲討南寧羌平之以本紀修帝幸仁壽宮以通鑑修桂州俚帥

反遣兵討平之以今狐熙為桂州總管以本紀及呂祖謙標目修

月丙辰詔諸司得於律外杖屬官以通鑑修令盜一錢以

上棄市以通鑑及呂祖謙標目修夏四月戊寅頒張胃玄歷以本紀修秋

七月桂州人反遣右武侯大將軍虞慶則討平之以本紀修丁

亥并州總管秦王俊免以本紀及呂祖謙標目修以宗女公主妻突

厥突利可汗以通鑑修九月帝至自仁壽宮以通鑑修冬十二

月殺虞慶則以本紀修

欽定四庫全書大事記續編卷四十七

隋高祖文皇帝開皇十八年春正月辛丑詔江南民船

長三丈者入官以本紀修二月高麗寇遼西乙巳遣漢王諒

討之遇疫秋九月己丑師還以本紀及呂祖謙標目修

解題曰隋伐高麗始於此

冬十二月置離宮於仁壽宮道上以本紀修南寧羌復反史

萬歲坐除名以通鑑修

隋高祖文皇帝開皇十九年春二月遣漢王諒為元帥

三道伐突厥都藍可汗都藍與達頭可汗襲突利破之

夏四月突利來降諸軍大破突厥兵以通鑑修六月殺涼州

總管王世則以通鑑修秋八月高顯除名以紀傳修九月乙丑以

太常卿牛弘為吏部尚書以本紀修

解題曰按通典開皇七年制諸州歲貢三人工商不

得入仕十八年又詔京官五品以上及總管刺史並

以志行修謹清平幹濟二科舉人牛弘為吏部尚書

高構為侍郎最為稱職當時尚書舉其大者侍郎銓

其小者則六品以下官吏咸吏部所掌自一命以上

欽定四庫全書

大事記續編
卷四十七

之官州郡無復辟署矣自北齊以來州郡僚佐已多為吏部所授至隋一切歸省

司杜佑曰文帝素非學術盜有天下不欲權分罷州

郡之辟廢鄉里之舉內外二命悉歸吏曹纔厠班列

皆由執政則執政參吏部之職吏部總州郡之權罔

微體國推誠代天理物之本意是故銓綜失叙受任

多濫豈有萬里封域九流叢湊論材授職仰成吏曹

以俄頃之周旋定材行之優劣求其無失不亦謬歟

爾後有司尊賢之道先於文華辯論之方擇於書判

所以閱佐號為倒拔徵詞同乎射覆置循資之格立

選數之制壓例示其定限平配絕其逾涯或糊名考

覈或十銓分掌苟濟其末不澄其源誠宜詳酌古今

拯勘利弊實為大政可不務乎

冬十月甲午以突利為啓民可汗處之五原遣楊素等

擊都藍可汗十二月都藍為其下所殺達頭立為步迦

可汗以呂祖謙標目修

隋高祖文皇帝開皇二十年夏四月壬戌突厥步迦可

欽定四庫全書

大事記續編
卷四十七

汗犯塞晉王廣等擊之太平公史萬歲大破之以本紀修六

月丁丑秦王俊以憂薨廢其國以呂祖謙標目修晉王廣

結楊素贊帝廢立冬十月乙丑廢太子勇及其諸子為

庶人已已殺左衛大將軍元旻等素又譖殺史萬歲十

一月戊子立廣為皇太子天下地震以本紀修禁毀佛天尊

及神像以朱熹綱目修

隋高祖文皇帝仁壽元年正月乙酉朔改元以本紀修楊素

蘇威為左右僕射以本紀修二月乙卯朔日有食之以本紀修夏

六月廢太學四門及州縣學前殿內將軍劉炫諫不聽

以呂祖謙
標目修冬遣楊素擊突厥以通
鑑修

隋高祖文皇帝仁壽二年春三月楊素大破步迦可汗

以通
鑑修秋七月徵蜀王秀還以列
傳修八月己巳皇后獨孤氏

崩以本
紀修

解題曰按后妃傳序開皇二年著內官之式畧依周

禮減省其數嬪三員世婦九員女御三十八員又採

漢晉舊儀置六尚六司六典初文獻皇后懷嫉妬之

欽定四庫全書

大事記續編
卷四十七

十三

心虛嬪妾之位不設二妃防其上逼自嬪以下置六

十員又抑損其服章降其品秩文獻崩後始置貴人

三員增嬪九員世婦二十七員御女八十一員貴人

等闕掌宮闈之務六尚以下皆分隸焉煬帝參詳典故製

嘉名著之於今貴妃淑妃德妃為三夫人順儀順容順華修

儀修容修華充儀充容充華為九嬪婕妤十二員美人才人

十五員為世婦寶林二十員御女二十四員采女三十七員

為女御總一百二十又有承衣刀人皆趨侍左右又增置

女官准尚書省以六局管二十四司葉適曰六尚六

司六典掌宮中之政此漢晉舊事也至煬帝置女官

准尚書省則出於創建內外分庭人臣不得分毫預

矣晉楊后以立惠基亂而天下為之分裂者數百年

隋獨孤后以立煬稔禍而編氓十喪八九詩首二南

有以也夫

九月大水以本
紀修冬閏十月甲申詔修五禮以本
紀修十二月

癸巳廢蜀王秀為庶人以呂祖謙
標目修詔楊素三五日一入

欽定四庫全書

大事記續編
卷四十七

十三

省論大事以通
鑑修交州俚帥反遣瓜州刺史劉方為行軍

總管平之以通
鑑修

隋高祖文皇帝仁壽三年秋九月壬戌置常平官以本
紀修

是歲龍門王通獻太平策罷歸教授於河汾之間以舉
要補

遺修

解題曰通字仲淹河汾人文帝徵之不至大業元年

一徵又不至乃續詩書正禮樂修元經讚易道朱熹

曰通見識高明說治體甚高特本領欠闕如古人明

德新民至善等處固未之講也

李遵曰文中子之言聖人之徒也傳之者

非其人為之癰創而已耳世謂房魏輩不稱師也未嘗以為師也蓋文中子教授河汾迹未甚顯沒後門人欲尊寵之故扳太宗時公卿以欺後世耳

突厥步迦可汗降於啓民可汗啓民歸磧石

以呂祖謙標目修

解題曰按元和郡縣志豐州東受降城北至磧口八

百里中城至磧口五百里西城至磧口三百里磧口

至回紇衙帳一千五里

隋高祖文皇帝仁壽四年春正月甲子帝幸仁壽宮

欽定四庫全書

大事記續編卷四十七

十四

夏四月不豫秋七月命兵部尚書柳述黃門侍郎元巖

召故太子勇太子廣囚述巖丁未弒帝乙卯即皇帝位

殺勇八月丁卯喪還京師

以本紀及呂祖謙標目修

解題曰胡寅曰述巖親逢事會則當白帝併召楊素

楊廣入閤質問陳夫人正其罪而廢廣出諸外孰論

故太子可立則召之否則別命子孫之賢者素若不

從降詔以軍法從事登時而宗社定矣乃出閤為詔

出以示素反受制賊手俄頃之間福禍判焉述巖死

有餘辜矣事見通鑑

漢王諒起兵於晉陽以楊素為并州總管討之素執諒

以歸殺之

以本紀呂祖謙標目修

解題曰胡寅曰舉兵必有其名立事不可行詐隋文

之崩當時中外頗有異論諒獨不聞耶借曰未審而

所被璽書不如高祖所約則可用此聲問晏駕不明

之故以十九州附從之衆用王頌長駟之策既近京

師則情實必彰天不共戴死生以之豈不忠孝兩得

欽定四庫全書

大事記續編卷四十七

十五

乎而詭言為素反舉兵是詐也詐而無名是自為逆

也可乎事見通鑑

冬十月己卯葬文皇帝于太陵廟號高祖

以本紀馬總通歷修

解題曰蘇轍曰昔者三代之君享國長久後世莫能

及然而亡國之暴未有如秦隋之速二世而亡者也

夫秦隋之亡其弊果安在哉自周失其政諸侯用事

而秦獨得山西之地不過千里韓魏壓其衝楚脅其

肩燕趙伺其北而齊掉其東秦人被甲持兵七世而

不得解寸攘尺取至始皇然後合而為一秦人見其
取天下若此其難也而以為不急持之則後世且復
割裂以為敵國是以銷名城殺豪傑鑄鋒鏑以絕天
下之望其所以備慮而固之者其密如此然而海內
愁苦無聊莫有不忍去之意是以陳勝項籍因民之
不服長呼起兵而山澤皆應由此觀之豈其重失天
下而防之太過之弊歟今夫隋文之世亦見天下之
久不定而重失其定也蓋自東晉以來劉聰石勒慕容

容苻堅姚興赫連之徒紛紛而起者不可勝數至於
元氏并吞滅取畧已盡矣而南方未服元氏自分而
為周齊周并齊而授之隋隋文取梁滅陳而後天下
為一彼亦見天下之久不定也是以既得天下之衆
而恐其失之享天下之樂而懼其不久立於萬民之
上而常有猜防不安之心以為舉世之人皆有曩者
英雄割據之懷制為嚴法峻令以杜天下之變謀臣
舊將誅滅畧盡而獨死於楊素之手終於煬帝之際

天下大亂塗地而莫之救由此觀之則夫隋之所以
亡者無以異於秦也悲夫

除婦人及奴婢部曲之課今男子二十成丁以通鑑修十一

月乙未帝幸洛陽以本紀修丙申掘塹自龍門至臨清關度

河抵上洛以本紀修壬子陳叔寶卒贈長城煬公以呂祖謙標目修

癸丑以洛陽為東京以呂祖謙標目修

大事記續編卷四十七

欽定四庫全書

大事記續編卷四十八

明 王禕 撰

隋煬皇帝大業元年春正月壬辰朔改元以本紀修立妃蕭

氏為皇后以本紀修廢總管府以呂祖謙標目修丙申立晉王昭為

太子以本紀修二月己卯楊素為尚書令以本紀修詔天下公除

以通以本紀修三月營東京徙商賈數萬家以實之以本紀修營顯仁

宮以本紀修開通濟渠自河入淮自邗溝入江置離宮造龍

舟以本紀修

欽定四庫全書

大事記續編
卷四十八

解題曰按寰宇記開濟渠開封府開封縣南二里隋

以汴水迂曲自大梁城西南鑿渠引汴水入號通濟

渠鄭樵通志邗溝東北通射陽湖北至末口入淮

末口在今楚州山陽然此乃舊通江淮之道後以

湖道多風晉永和中陳敏改由津湖與寧中又自湖

之南沿東岸穿渠二十里入北口即末口也然猶有

淮患至宋復穿今徑達盱眙廣陵志唐揚子縣在

江都縣南十五里舊臨江故邗溝自揚子入江

夏四月將軍劉方破林邑以呂祖謙標目修五月築西苑以通鑑修

解題曰按杜寶大業雜記苑內造山為海周十餘里

水源數丈中有方丈蓬萊瀛洲諸山相去各三百步

山高出水百餘尺

秋七月丙午徙衛王集於邊以本紀修八月壬寅帝御龍舟

幸江都以本紀及呂祖謙標目修契丹寇營州遣通事謁者韋雲起

護突厥兵討之以本紀修是歲西突厥處羅可汗擊鐵勒鐵

勒叛之自立為莫何可汗以呂祖謙標目修

隋煬皇帝大業二年春正月辛酉東京成以本紀修

解題曰按洛誥周公將宅洛邑使召公先相宅乃卜

澗水東瀍水西所謂王城今宮城西唐苑內故城是

欽定四庫全書

大事記續編
卷四十八

也周平王都之周公又卜瀍水東謂之成周今河南

府東故洛陽城也周敬王居焉後漢魏晉隋初並都

之煬帝始徙新都東去故城十八里唐以來皆都之

元和郡縣志按華延雋洛陽記洛陽城東西七里南

北九里城內宮殿臺觀府藏寺舍凡一萬一千二百

一十九自劉曜入洛官署里閭鞠為茂草後魏孝文

太和十七年幸洛陽定遷都而經營洛京煬帝嘗登

邙山觀伊闕顧曰此非龍門耶自古何因不建都於

此蘇威對曰自古非不知以俟陛下帝大悅遂議都

焉詔楊素營之大業二年成徙都之其宮北據邛山

南直伊闕之口洛水貫都有河漢之象其宮室臺殿

皆宇文愷所創愷巧思絕倫制造頗窮奢麗前代都

邑莫之比焉餘見通鑑

大業記洛南九十六坊洛北三十坊大街小陌縱橫相對

丁卯併省州縣

以本紀修

二月丙戌作輿服儀衛

以本紀修

解題曰大業雜記輦路輿車並朱絲碧油網絡裝以

金玉填以雜寶珠璫紅翠極天下奇妙文物羽儀自

三代以降書記未有也

夏四月庚戌帝還東京

以本紀修

六月壬子楊素為司徒

以本紀修

秋七月建進士科制百官不得計考增級

以通典本紀修

解題曰蕭子顯曰自宋謝靈運顏延年以文章彰於

世謝莊袁淑又以才藻繼之衣冠莫不仰其風流競

為詩賦之事而五經文句無復通其義者朱熹曰進

士更唐三百年以至國初大抵皆尚文辭事見通鑑

申戌太子昭薨

以呂祖謙標目修

解題曰按大業雜記始太子與楊素同侍宴帝深忌

素因宴宴毒太子及素並起二杯同至侍酒者誤進

太子飲三日而毒發下血太子知之歎曰吾乃代楊

素死乎命也數日而薨後素亦以毒斃餘見通鑑

乙亥楚景武公楊素薨

以本紀通鑑修

冬置洛口回洛倉

以呂祖謙

標目修

解題曰杜佑曰隋西京太倉東京含嘉倉洛口倉華

州永豐倉陝州太原倉儲粟多者千萬石少者不減

欽定四庫全書

大事記續編
卷四十八

四

數百石天下義倉又皆充滿京都及并州庫布帛各

數千萬亦魏晉以降之未有餘見通鑑

按元和郡縣志洛水東經

洛汭北對郎官渚入河渭之洛口亦名什谷張儀說秦王塞什谷之口即此也

集天下散樂

以呂祖謙標目修

解題曰按隋志有魚龍爛漫俳優侏儒山車巨象拔

井種瓜殺馬剥驢等奇怪異端百有餘物名為百戲

餘見通鑑

隋煬皇帝大業三年春正月突厥啓民可汗來朝

以通鑑修

丙子長星竟天紀本二月己丑彗星見紀本三月辛亥帝

還西京紀本殺故太子勇之子八人以呂祖謙夏四月

甲申頒新律紀本

解題曰牛弘劉炫修律今弘嘗從容問曰周禮士多

而府史少今今史百倍於前判官減則不濟其故何

也炫曰古人委任責成歲終考其殿最案不重校文

不繁悉府史之任掌要目而已今之文簿恒慮覆治

鍛鍊若其不密萬里追證百年舊按故諺云老吏抱

欽定四庫全書

大事記續編
卷四十八

五

按死事繁政弊職此之由弘又問魏齊之時令史從

容而已今則不遑寧舍其事何由炫曰齊氏立州不

過數十三府行臺遞相統領文字行下不過十條今

州三百一也往者州唯置綱紀郡置守丞縣唯令而

已其所具僚則長官自辟受詔赴任每州不過數十

今大小之官悉由吏部纖芥之迹皆屬考功二也省

官不如省事省事不如清心官事不省而望從容可

得乎弘善其言而不能用胡寅曰炫之答弘是矣而

未盡也其不敢正言耶夫今史數多而不遑寧處者

良由隋文之治皆吏道也繁文有覆治之慮舊按有

追證之虞官盡屬銓曹事悉循條例則權必歸於今

史而簿書日多簿書既多則令史勢必加衆欲其簡

省從容何可得也然後知隋文勤勞旰食者大抵法

律文按而已此乃老胥吏用以困眩長官者而以人

主之重自弊精神其末流如弘所問固宜也

壬辰改州為郡紀本改上柱國以下官為大夫增省臺

欽定四庫全書

大事記續編
卷四十八

六

寺監十六府廢伯子男爵以本史丙申帝北巡六月戊

子次榆林郡丁酉突厥啓民可汗及公主皆來朝以呂祖謙

標目

解題曰榆林郡今勝州北距黃河五里

秋七月築長城以呂祖謙

解題曰發丁男百餘萬築長城西距榆林勝州為榆

河南有大小榆唐置榆林軍若自東至紫河勝州

勝州至紫河太近此榆林蓋蘭州也勝州為榆

紫河在定襄郡大和東西相距千餘里定襄勝州

通典金河在榆林郡與紫塞河自馬邑善陽縣界流

入一旬而罷死者十五六至明年秋又發丁男十餘

萬築長城自榆谷而東大業雜記長城北邊自崑崙

塞肅州有以東有居延甘州州丹有居延海路博德所築遮虜障也五原

豐州或雞鹿水經注朔方郡渾窳縣北有路出雞鹿塞後漢寶憲耿秉出朔方雞鹿塞高

關水經注河水出朔方郡窳縣故城東道逕高關南史記趙武靈自代並陰山下至高關為塞山下

有長城長城之際連山刺天其山中斷兩岸雙關自關北至荒中關口有城跨山結勢謂之高關魚

陽州鴈門州樓煩州柳城州西南又有龍勒敦煌郡有漢龍

勒縣總十塞並築城置鎮鎮兵五百人通典靈州懷遠縣大業長

故地欽定四庫全書大事記續編卷四十八

城在縣界河外餘見通鑑

丙子殺太常卿高頴禮部尚書宇文弼光祿大夫賀若

弼免蘇威以本紀呂祖謙標目修八月帝歷雲中乙酉幸突厥啓

民可汗帳見高麗使者吏部侍郎裴矩請脅其王入朝

壬寅至太原營晉陽宮九月己巳還東京以皇極經世呂祖謙標目

修冬以裴矩為黃門侍郎使通西域以呂祖謙標目修

隋煬皇帝大業四年春正月己巳開永濟渠自河通涿

郡以皇極經世修

解題曰御河之役王通聞之曰人力盡矣按列傳將

興遼東之役自洛口開渠達於涿郡以通運漕殿內

丞閻毗董其役元和郡縣志魏武在淇水口為堰過淇水合入白渠以開運漕白溝水本

名白渠隋導為永濟渠自黎陽入澶州臨河縣西北

東北入魏州界永濟渠南自汲郡引清淇二水入白

溝入魏州洹水魏館陶永濟縣開一百七十尺深二

丈四尺入臨清縣漢武時河決館陶分為屯氏河東

北入海此渠蓋屯氏古瀆今自恩冀倉州乾寧軍東

北入潮河合流縣東獨流口入海西通於雄霸等州

路水

三月帝幸五原巡長城本紀夏四月營汾陽宮帝幸之以本

解題曰按大業雜記勅於汾州北四十里臨汾水起

汾陽宮即管涔山汾河所出之地在嵐州靜樂縣

秋七月辛巳築長城以通鑑修翊衛大將軍宇文述破吐谷

渾郡縣其地以呂祖謙標目修九月戊寅彗星見以本紀修冬十月

將軍薛世雄降伊吾城之以呂祖謙標目修

隋煬皇帝大業五年春正月丙子改東京為東都以本紀修

突厥啓民可汗來朝以通鑑修癸未詔均田以本紀修戊子帝西

紀

還三月己巳自西京西狩夏五月擊吐谷渾六月壬子至燕支山西域諸國來朝獻地癸丑置西海河源鄯善且末等郡謫罪人戍之

解題曰燕支山即焉支山屬涼州天寶縣

唐楊炎燕支山神祠

碑西北巨鎮曰燕支本匈奴王庭昔漢武納渾邪置武威張掖而山界二郡之間積高之勢四向千里

按隋書地理志西海古伏俟城吐谷渾國都河源古

赤水城鄯善古樓蘭城且末古且末城通典漢武帝

置西海郡在今酒泉郡

肅州

北千二百里又曰今西平

欽定四庫全書

大事記續編
卷四十八

九

郡鄯之西張掖

甘肅州

酒泉郡之北隋置西海且末河源

等郡

是時郡一百九十縣一千二百五十五戶八百九十萬

有奇隋氏之盛極於此矣

以本紀通鑑修

解題曰杜佑曰後周靜帝有戶三百九十九萬九百

六十四至平陳得戶五十萬及是纔十六七年直增

四百八十萬七千九百三十二煬帝承其全盛遂肆

荒淫登極之初即建洛邑每月役丁二百萬人導洛

至河及淮又引沁水達河北通涿郡築長城東西千餘里皆徵百萬餘人丁男不充以婦人兼役而死者

大半及親征吐谷渾駐軍青海遇雨雪士卒死者十

二三又三駕征遼皆興百餘萬衆餽運者倍之又逆

徵數年之賦窮奢極侈舉天下之人十九為盜賊身

喪國滅實自取之

秋九月癸未帝還西京冬十一月丙子幸東都

以本紀通鑑修

是歲民部侍郎裴蘊奏令貌閱戶口凡進丁二十四萬

欽定四庫全書

大事記續編
卷四十八

十

三千新附口六十四萬有奇

以通鑑呂祖謙標目修

解題曰朱黼曰隋氏貌閱戶口至大業初富庶之盛

幾漢元始而裴蘊獻議猶以民間版籍脫漏戶口詐

增老小為言復令貌閱一人不實則官司解職糾得

一丁今代賦役於是進丁二十四萬有奇其以老癯

為丁壯廢疾為平人必矣唐世聚斂之臣多以括丁

為急務民益無聊可不監哉事見通鑑

擢蘊御史大夫與宇文述裴矩內史侍郎虞世基參掌